



Future-proofing our children

Sekolo sa tshipi 4

Setlhogo

Jeso a le ko Nazareth

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Jeso a le ko Nazareth**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p>https://bit.ly/3NACSSH5</p>
2.	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo bathomamisiweng) • <p>Ela tlhoko:</p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kebelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45 .</i></p> <p>2.3: Thuto e lebaganye (Pre-SS, SS1, RI1 kana Tlhomamiso).</p> <p>2.4: O ka kopa thuso mo morutabana wa gago wa sekolo sa tshipi fa o tlhoka thuso.</p>
3.	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng.



Thuto

Setlhogo	Jeso a le ko Nazareth
Temana	Luke 4: 16-30
Maikaelelo a thuto	Bana ba ithute ka fa Jeso a ne a ganwa ko Nazareth. Keletso ya go amogela Morwa Modimo e tsosoloswa mo go bone.

Tshoboko ya thuto:

- Jeso a ya ko Nazareth, ko a goletseng teng. Batho ba ne ba setse ba utlule ka methloho e a neng a e dira mme ba ne ba solofetse gore a dire jalo le mo Nazareth.
- Ka letsatsi la Sabbath, a tsena mo synagogue jaaka e le tlwaelo.
- A ema foo go bala lefoko mme mongwe wa bakwadi a mo neela lekwalo laga Isaiah.
- A tshopholola lekwalo mme a kopana le fa go kwadilweng go twe. “Moya wa Morena o mo go nna ka o ntloditse go rerela bahumanegi lefoko. O nthomile go golola magolegwa le go re difofu di bone, Go golola ba ba gataletsweng le go bolela gore nako e gorogile ya gore Morena a golole batho ba gagwe.” E e ne e le thomo e Jeso a e romilweng ke Modimo.
- Jeso a phuthela lekwalo mme a le busetsa ko mokwading. Batho botlhe mo synagogue ba sala ba mo tlhomile matlho fa a re, “Tsatsi jeno lekwalo le le diragaditswe ebile le le baletsweng.” Ka go rialo Jeso o ne a supa gore ke Messiah yo o romilweng ke Modimo.
- Mme batho ba seka ba tlhaloganya Jeso le gore ke ene Messiah yo o boletsweng ke moporofita Isaiah.
- Ba ne ba mo tenegelela mme ba mo koba mo motseng.
- Ba ne ba batla le go mo latlha ko godimo ga thaba, mme Morwa Modimo a ba ralala a tsamaya.



Thuto e e re ruta eng?

- Batho ba ko Nazareth ba ne ba sa dumele gore Jeso ke Messiah yo o solofeditsweng, Bane ba sa mo amogela mo ba neng ba batla go mo gobatsa.
- Re batla go dumela Morena Jeso le go reetsa dithuto tsa gagwe.
- Le fa Jeso a ne a tsamaya o ne a seka a emisa go ba fa lerato la Modimo le go ba ruta le go itshwarela dibe. A re tshwaneng le Jeso re tlhophe tsela ya Modimo le fa go le thata.

Dipotso tse re ka di botsang:

1. Jeso o ne a yak ae ka Sabath fa a le ko Nazareth?

Karabo: ko synagogue.

2. Jeso o ne a romilwe eng ke Modimo?

Karabo: O ne a romilwe go rerela bahumanegi lefoko, go fodisa balwetse.

3. A batho ba ne ba dumela se Jeso a se buileng?

Karabo: Ga ba aka ba mo tshaloganya e bile ba sa dumele fa e le Messiah.

4. Batho ba ne ba dira jang ka Jeso?

Karabo: Ba ne ba galefa ba mo koba mo Motseng e bile ba batla go mo latlha ko godimo ga thaba.

5. Jeso o ne a dira jang?

Karabo: O ne a ba ralala mme a tsamaya.

Thapelo ya ga Rre le Mme le pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha, Amen